

止齋先生文集

止
叅
一
文
集

四
部
叢
刊
集
部

涵芬樓借印吳興劉
氏嘉業堂藏明正德
間林長蘅涇州刊本
原書版高營造尺六
寸七分寬四寸五分



数据加载失败，请稍后重试！

止齋先生文集序

先生稟抱天穎研鑿經史力持正學經奧
會執九經百家之轡俾環嚮以趨于
一披剔文義躡藉衆糾究明帝王經
旨宏模而放于秦漢以下治亂興衰
之故獨揭源委不牽多岐由是彰往
考來默察當世不平之機深抱大業
至於化裁推行不動聲色使人回心

而嚮道者其綱領條目靡不該具蓋
嘗忘寢廢食寔玩孰復靡幾對越天
地百世以俟後聖而不惑也雖言論
未卒幾進輒沮而志念回皇與物委
蛇左推右挽旁接廣誘其任重道遠
終老未嘗一日敢忘於斯焉嗚呼盛
矣鄒魯之統緒河洛之承續予載以
來不知其能幾見也孰經戶外方屨

蘭集片言落筆傳誦震響場屋相師
而紹興之文丕變則聲於隆興之癸
未屏居梅潭危坐覃思超詣絕軼嚆
成道尊則邃於乾道之丁亥博交遍
驗洞礙斯室對策初第懇蓋移剏則
盛於乾道之壬辰官太學倅閩府詆
劾却掃勤士寒暑紬繹文獻宏綱具
舉則備於淳熙之丁未起守桂監持

常湖南疏滌枵摩民信有古百年之
思鬱乎湘山則驗於紹興之庚戌召
對光宗驟遇獎用侍立代言贊翊儲
邸次第蘊畫庶將孝揮則著於紹熙
之癸丑宛轉極諫傍徨乞身寵飛急
呂子旬乃罷爰抒舊志著于訓傳疾
疾漸臻梁木竟殞則終於嘉泰之癸
亥叔遠夙蒙挈策俾窺津涯蒿幹鷄

羽揚負大賜適當新義川
漲群文帽興疇昔懇析而致孤條之靡鬱砥途
之失榛乎是用敦輯遺稿寄諸琬琰
僅開後哲庶弗淪墜初韋布眩墓影
鸞編傳或混紉作或雜真贋詭題葉
帙誕弥遐際輪耀掩汚理合釐別故
今裒次斷自梅潭丁亥之後凡爲歌
辭古律詩內外制奏狀劄子表啓書

簡序記雜著祭文墓志行狀總五十
一卷即先生燕坐之齋以爲集名若
成書則有讀書譜二卷春秋後傳十
二卷左氏章指三十卷周禮進說三
卷進讀藝祖皇帝實錄一卷未脫稿
則有詩訓義周漢以來兵制皇朝大
事記皇朝百官公卿拜罷譜皇朝財
賦兵防按官志藁別自爲編附藏其

目庸熄清亂先生名傳良字君舉世
系庶官具見于神道碑墓志銘行狀
云嘉定戊辰內人承直郎太學博士
曹叔遠謹序

非外也野亭

志其資以乘舟入海嘉州之觀也

乘舟而登舟中宜知風浪之勢

而登舟者宜知舟中之勢

正齋陳先生文集序

儒者之所難曰德曰功曰言而已三者
克具斯為儒者之盛遠而有以恢弘魯
鄒所傳之緒近而有以昭闡濂洛未啓
之機尚論其世有足徵者此正齋陳文
節公所以不可及也公少以斯文為已
任強學篤志弗得弗舍其從鄭景望薛
季宣也以克己兢業為要其友張欽夫

呂伯恭也則交致夫持敬集義之功涵
養於致知之際躬行於自得之餘剛毅
樂易孝友恭肅融澈混成莫測涯涘是
能立德者矣其教人也誘掖不倦四方
景從士習丕變隨才有造其仕於外也
事無細鉅一裁以義勸善革奸縮用溥
利卓越之績傳不絕書其在朝也正色
讜論直前極陳扶翊大政匡持君德欲

進忠賢則黃冕仲朱元晦之遷改不與
書行欲摧權奸則率逢原張子仁陳源
之除目繳駁論奏苟裨社稷奮不顧身
是能立功者矣讀書有譜六經有論建
隆有編毛詩有解詁春秋有後傳左氏
有章指周禮有進說制詁有集皇宋有
大事記進讀有藝祖實錄周漢以來有
兵制著書明道簡冊充棟是能立言者

矣功在人德言在己三者相須以為用者也瓚幸生公之鄉屢嘗誦讀遺文而私淑之茫乎如陰陽之闔闢也浩乎如河海之潤滴也燦乎如日星之炳耀也油乎如風雲之流行也雄偉而不放精深而不晦馳軼而不迫起伏歛縱愈出愈駛引古質今滌冗為新錯綜萬務體悉人情而歸宿于至理蓋不獨繩矩之